

Ministarstvo unutrašnjih poslova Kantona Sarajevo, ulica La Benevolencija broj 16,  
koje zastupa ministar Admir Katica, (u daljem tekstu: Kupac)

„SIECOM“ d.o.o. Sarajevo, ulica Marka Marulića broj 2, ID broj: 4201170100000  
kojeg zastupa direktor Irma Osim(u daljem tekstu: Dobavljač)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj 39/14 i 59/22) proveo otvoreni postupak za „ Nabavka novih, kompatibilnih centrala u svrhu nadogradnje i umrežavanja telefonskih centrala u dva objekta Ministarstva u postojeći sistem OpenScape 4000 u sjedištu Ministarstva uz zanaavljanje telefonskih aparata i ugradnju besprekidnog napajanja u postojećim telefonskim centralama “, sa ciljem zaključivanja okvirnog sporazuma sa jednim ponuđačem na period od dvije godine;
- Nabavka je izvršena putem otvorenog postupka, a na osnovu Odluke broj 01-11-4-4956 od 26.09.2023. godine i Obavještenja o nabavci broj 1364-1-1-61-3-72/23 od 17.11.2023. godine i Ispravke obavještenja broj 1364-1-1-61-8-1/24 od 08.01.2024. godine.
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača od 15.01.2024. godine.

Ugovorni organ i Dobavljač sklapaju:

## OKVIRNI SPORAZUM

### Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci novih, kompatibilnih centrala u svrhu nadogradnje i umrežavanja telefonskih centrala u dva objekta Ministarstva u postojeći sistem OpenScape 4000 u sjedištu Ministarstva uz zanaavljanje telefonskih aparata i ugradnju besprekidnog napajanja u postojećim telefonskim centralama u skladu sa uslovima iz tenderske dokumentacije, ponudom Ponuđača, odredbama ovog Okvirnog sporazuma i stvarnim potrebama Ugovornog organa.  
Količine navedene u specifikaciji su okvirne i važe za vrijeme važenja okvirnog sporazuma.

Ukupna vrijednost ovog okvirnog sporazuma bez PDV-a iznosi 125.000,00 KM (stotinudvadesetpethiljada i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sorazuma.

### Član 2.

Nakon zaključenja okvirnog sporazuma, zaključit će se pojedinačni ugovori o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

### Član 3.

Prodavac je dužan ugovorenu robu isporučivati prema uslovima iz tenderske dokumentacije i prihvaćene ponude, odnosno u roku od 60 dana od dana potpisivanja ugovora.

### Član 4.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

### Član 5.

Ovaj okvirni sporazum se zaključuje na period od dvije (2) godine, a stupa na snagu danom obostranog potpisivanja.


### Član 6.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

### Član 7.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ  
"SIECOM" d.o.o. SARAJEVO  
[Redacted]  
direktor, Irma Osim dipl.ing.  
[Redacted]



KUPAC  
[Redacted]  
Ministar, Admir Katica  
[Redacted]  
Broj: 01-11-4-4956-8  
Datum: 08.02.2024. godina  
[Redacted]



Broj: 1/541/447/02-24  
Datum: 14.02.2024.